

重脩遼州志序



國有史家有乘而郡邑則有志志之體益昉於禹貢職方而變通之舉元世運之隆替官師之賢否風俗之淳澆生齒之盛衰與夫物產人文躔次疆域洪纖巨細無不畢該將以備一

遼州志序

方之文獻垂千秋之法戒所係非淺淺也遼之志自勝朝神宗至康熙壬子六十年而一脩迄今又六十年矣予承乏茲郡每思夙夜黽勉仰答

聖天子特達之遇甫下車卽循朱考亭夫子南康故事訪求郡志見夫六十年

來風景不殊山川如故而民安物阜
戶口滋生人才鵲起大倍於昔倘錄
而不志後之人何所考以見

國家之盛乎會因代庖鄰境刻無寧晷
濡遲者久之今年春乃得進鄉先生
進士劉澧孝廉馬永壽張維桀趙傑

劉師孔諸生孫慶年李文瀨等共襄
厥事參互考訂博採旁搜不數月而
告成其義例一本舊志而缺者補之
繁者汰之語不雅馴者潤色之人物
列女科名職官繼起者增入之雖文
采煥然不敢與徐天池之紹興府志


康對山之武功縣志爭烈以之備文
獻而垂法戒未必無小補焉倘由此
踵事增華漸次續補不復遲至六十
餘年之久使人有湮沒荒遠之嘆不
更有厚望乎予故表而出之以告後
之修遼志者抑予觀是志所載有足

幸者有足慮者風淳俗樸士讀農耕
僻壤偏隅無衝煩供億之苦此足幸
者也葛屨沮洳儉嗇褊急苦寒薄收
包荒滋蒸此足慮者也使閭是志者
果能請於朝獎銳意興除廸禮樂而
化喬野為佳境而絕繭絲保其足幸

而去其足累他日輶車博訪獻諸
天子卽以是志作風俗之書竊附於禹貢
職方之末亦無不可是則予修志之
初心而治遼之隱願也予又亡而出
之以告後之爲遼牧者

皇清雍正十一年歲在癸丑月在姑洗奉

直大夫遼州牧大興徐三俊謹撰



三晉多良史材董狐氏以直筆擅名當世卽當國義成忠如宣孟猶敢以惡逆宣言於朝不少逃避至今稱信史者咸侈談之不衰今之志古史氏之道也志疆域則思守禦志蒼赤則思保釐志賦役則思軫恤他如官常之可否政治之得失則因革損益之是訂焉其關繫治道民風匪細遼志之纂自伊川楊君博興路君考訂之雲夢鍾君續成之次第修葺彙而成書既已燦然至矣備矣余焉敢贅第余遼人也生於

斯長於斯其於遼事固已耳而目之可默無言晉自唐虞首善培養深醞民淳俗樸彬彬古風歷千禩而不滌故三晉較他省獨稱樸雅而遼爲最蓋遼居萬山深谷中紆迴曲折袤延百里商賈所不通舟車所不至民生於斯能方而不能圓能直而不能亂能稚魯而不能僂巧能纖嗇而不能奢華官遊則砥節實心實政最著士風則砥修篤信篤行最著以至擇地而蹈非公正不托足太古無論國初時司馬高君抱忠赤之膽逆靖難之師其英風勁節直冠兩河而論

者謂遼如未治之金未雕之璞民不習僞雅道尚存
風氣固殊焉邇來天厲不戒水旱頻仍兼以梟獍之
未寧鷹鷂之四出也民財則既匱矣民力則既竭矣
民俗則漸漓矣士君子撫時傷事不無今昔之感有
司民之責者念切民瘼嘉惠黎元不務繭絲而保障
之俾凋敝財力終歸殷阜澆薄習俗終近淳龐則遼
唐虞古風直歷千禩而不凜而三四君數十年後先
拮据以成斯志者庶其不虛已乎是爲叙

萬 三十一年歲次癸卯仲春之吉

三晉背臨朔易表裏山河爲

神京股肱地其習憂勤其俗渾樸有陶唐氏之遺風焉遼處省治之東居太行絕頂山勢逶迤土力綿薄民生其間黍稷種黍惟因地宜雨暘時若又在天時且水不載舟陸難行車商賈鮮通止事耕鑿又氣候先寒臨秋而霜入冬而雪稱苦瘠者所爲屈指然漳水環流太行擬峙人才爲山川之鍾靈者往往間出載在往册詢之故老可考知也第遼志自故明萬之三

遼州志

舊序

七

十一年至我

朝今日缺而不修計六十餘載矣使因循仍闕不但風俗之正滢土地之肥瘠不可見卽在昔賢臣孝子節婦之芳徽遺事亦將與草木同腐矣前事不忘後事之師自我

朝定鼎以來士沐菁莪之化民親樂利之休三十年來文教益興生齒益聚禹甸之內復見堯天舜日之盛山川疆域物產地利其足繼太史之採風而爲

當寧獻者可漫焉勿講乎余不敢承之茲上見郡志散失

是屬無典以下車未久纂修鉅舉又未可爾奔從事
殆未嘗不日廬於懷也予子歲冬上承憲檄布

受天子允瑞機之請命郡縣修葺志書修前文之既廢成
今日之

盛典適逢其會矣爰與學博薄君言震鄉先生侯君維
泰王君應劉君永昌庠士秦子容孫子璵王子毓奇
韓子大儒馬子上斌孫子琰侯子啟秦劉子永裕佐
聖王子明德趙子翊李子若沈陳子毅自故明萬曆
之三十二年及我

遼州志

卷之首 舊序

十二

朝康熙之十二年計六十餘年之事博採老成廣諮輿論
訂訛存真補遺修缺逮及六旬集成全志今昔數十
年間田賦人才土宜風俗昭昭可考在昔者不致殘
缺無文後此者幸其作述有繼庶幾為遼郡不朽盛
事云云於覽形勝而知險隘之所扼藉察貴嚴也閱
戶口而於察之有期愛養貴力也觀土田而知為
養之必周也水泉貴也且創述一時之序固列眉而
指掌於後之同

志是也

時

皇清康熙十二年歲次癸丑花月既望之吉

遼州志

舊序

九

州志舊序

侯維泰

郡邑之有志猶古列國之有史郡邑曷為乎有志志
厥土曰廣狹也戶口繁耗也風俗為漓漓也山川形勝
也人材隆替也吏治興衰也天子不命輶軒而審四
方之俗司牧不出戶庭而悉疆土之宜其所以省方
設教觀民敷政胥是焉在昔孔子嘆杞宋之無徵而
曰吾志在春秋志固已事之書實未事之鑑也夫地
無小大田之所賦土之所產政治之所敷人材之所
育以至於忠者孝者節者義者宦者隱者靡不犁然

遼州志

卷之首 舊序

十四

備也而謂遼可無志歟遼志肇於故明之正德脩於
萬曆之末紀迄今六十餘年流風遺事凋殘於兵燹
之際淪喪於勝國之時舊典湮沒什不存一嗚乎雖
掌山西樓漳水蓮池高歡之雲洞許由之石室觀者
無所於訪也况乎潛徽弗耀殺身之志士誰傳隱德
無聞於傳之奇魂曷慰我

朝定鼎以來文獻遺蹟數諸廢舉舉誰可使近蹟散失郡
乘不究前志於三韓楊公來刺於茲加意興林
方與郡人士謀纂舊志用續前休恭逢

聖天子重修郡邑志之命適至爰造紳士而告之曰志藉
人傳事以時舉遼志之脩今其時乎可聽其缺焉而
置若罔聞也者迺不棄余而分屬之余竊念江文通
以脩史之難無出於志益繁則冗簡則疎溢美則諛
徇情則私甚矣脩志之難也余小子渺見寡識何能
發明於其間哉然余籍遼也於遼事爲悉又何敢過
以不敏謝爰與同人王君應劉君永昌等檢之圖帙
詢之耆舊務期命意公正孚協輿情積有六旬而提
綱彙目規緒清我楊公出不世之才酌其當否而

遼州志

卷序

七

鑒定之陋者以文畧者以詳而遼志於焉告成噫此
豈獨陳留之志風土會稽之志典錄已耶夫亦云司
治教者有所贊爲士民者有所感而

朝廷所以興廢舉曠昭示法誠之意亦可表見矣抑聞
之慷慨剛直之士多生廣山之間礚礚守志之民每
見重嶺之削其風使然也遼治萬山中民淳俗厚士
大夫多敦節孝如廉恥而其民務耕鑿拙商賈說者
謂有陶唐氏之遺焉然而山多土瘠風猛氣寒地利
天時兩難所恃則指三晉極苦之地無遼若也

兵火之餘瘡痍日厲災荒頻仍斃斃子遺骨支無丁
之徭禱禱山畝賦徵沒十之地財窮力盡民痛賦疲
使鄭俠復起當亦不能繪其圖矣又安望有家絃戶
誦砥節礪行如昔日者哉尚賴仁人君子開卷情深
化敷武城務多方委曲以安全之俾民不
嘆東野之馬魯再熏南風之絃則後之沐休嘉樂盛
治者循其流而追邇之曰天夫也皆三韓楊公葺志
之貽也余亦敢有餘光矣因出數言以附之簡末

康熙十二年癸丑二月吉

舊凡例

一志以傳信固不可以儘野貽譏亦何必以浮華競富
子於是後凡有關於國計民生人心風俗者一編之
中三致意焉至於攬撫幽隱以矜博雅則謙讓未遑
也

一地以人重遼自勝朝司馬高公忠孝大節彪炳寰區
頽廉懦立聞風而起者代不乏人洵一郡之光華而
後來之矜式也故凡公之著作與夫為公而作者片
紙隻字悉載於終以志景行仰止之思云

遼州志

卷之首 舊凡例

十九

一閨帷節孝至苦至難而或僻壤窮鄉子姓弗顯以致
湮沒無傳者何可勝數予故博採鄉評廣詢輿論用
登姓氏不濫不遺至於知我罪我聽之而已

一不朽有三文居其一遼郡人士家絃戶誦著作娘如
子故與鄉先生廣為搜輯壽諸棗梨以垂史冊之光
而昭人文之盛云

一遼蓋古箕地許由故塚箕子遺封應在於此而舊志
缺如詢之父老亦無能為子言者又按襄陵縣亦有
箕山山上有許由墓志書云元人所建識者笑之予

我朝之盛會恐蹈襄陵之譏也

又獻必不可少遠志六十年而一修代遠人
漏萬在所不免嗣當陸續增補庶免缺畧之
頌闕之資惟願諸君子共成予志則斯郡之

大興徐三俊謹識

卷之一

凡例

十四

續修凡例

一儀注樂章惟

文廟為最備詳考

先聖崇祠始末其樂章悉遵

欽定樂譜凡春秋簫笛四上備述之以昭法守

一鄉飲酒禮為典至鉅

國家所以養老也今特為增入使耆年碩德先昭史乘庶不負

朝廷序賓之至意

遼州志

卷之首

續修凡例

二十一

一已仕未仕相分前志仕宦列選舉內頗覺不合今特為揭出文分派別各以類輯加以續編使仕宦另為一門期豁目且重實任也

一人物本自不齊屈乘并許梁珠趙孟亦屬曹瑤瑛齊顧馨各異也今於續編者分門別類標題名目庶披卷者一目了然

一職官選舉仕宦詳異類於各項後或留空白三五行或附空白一二頁望閱者關心後起隨時補入庶他日續纂少免遺漏未必非年遠失修之一助

白一以爲識

遼州志

卷之首

續修凡例

三三

舊修姓氏

纂修

遼州直隸州知州徐三俊純人順天大興人

同纂

遼州學正康熙甲午科舉人葛附鳳鵬翼平定人

遼州訓導南詠圭公慎蔚城人

遼州吏目莫均侯湘濤浙江會稽人

分纂

雍正甲辰舉人孟濤慎餘浙江山陰人

遼州志

卷之首 舊修姓氏

二十三

康熙壬子舉人李思永慎脩河南孟津人

候補分徐三章漢三順天大興人

庠生徐嵩年介眉順天府人

較正

廩生李思恂介山河南孟津縣人

候選州同成域向侯順天大興人

候選州同徐三重永譽順天大興人

候選州判徐大年鶴齡順天大興人

郡次貢趙淑范胸萬